

臧啓芳 · 劉鳳章 · 于源浦

當代教育先進傳之十

周邦道

臧啓芳 (1894—1961)

臧啓芳，字哲先，遼寧蓋平人，清光緒二十年甲午四月初一日生。祖際慶、父國昌、兄啓明，三世經商。八歲隨兄讀私塾。三十一年日俄媾和，就學日本小學，尋改名熊岳公立兩等小學堂。三十四年畢業，依當時規定須膺集瀋陽覆試，乃乘便考入奉天省立兩級師範學堂附設中學。以成績優異，免學費，並月給膳雜費，監督吳景濂深器之。宣統二年冬，日人強修安奉鐵路，瀋陽組織宣傳隊吹抵制日貨。三年武昌起義，剪髮響應，啓芳率先行事。民國元年秋，聞南京設有民國大學，與同學洪聲、張克湘取道大連，由滬轉抵南京，應試錄取。二年探悉宋漁父在北京創立國民大學，因轉入商業預科。四年暑假返里，與文定十年未受教育之王淑清結婚，里鄰稱之。

五年業師王雲五薦，兼任民大附中英文教員，此時學校已改稱中國大學。八年五月四日，愛

國運動起，同學齊集操場，推啓芳爲主席，參加遊行，經東交民巷，向鐵獅子胡同，搗毀曹汝霖住宅。翌日，各校代表齊集北京大學禮堂，推段錫朋主席，因之全國響應，罷工罷市。十月間政府舉行文官高等考試，以優等獲薦，初分發財政部煙酒事務所實習，旋放洋留美。初入加州大學研究院，研究經濟學、財政學。次年夏，譯韓納「經濟思想史」。秋，轉學伊里諾大學，專攻經濟學。親近陶銳教授研究市政，譯成奧格「美國市政府」一書。十二年與孫國封、高惜冰、丁滋圃等先後相遇，抵掌暢談，因草就東北大學計劃書，洋溢萬言，對境客觀，膏中肯綮也。

返國後，晉謁奉天省長兼東北大學校長王永江，屬留省任職，但未之許。中國大學校長王正廷聘爲經濟學系教授，兼課華北大學。當時思想龐雜，風潮疊起，啓芳嚴格教學，隨機啓導，頗著時譽。十四年春，商務印書館編譯所所長王雲五屬任奉天分館經理，兼理吉黑兩

省支館業務。十五年東大文學院長任希臧聘兼教授。十七年永江病故，劉省長尙清兼任校長，擴充爲四學院，周天放、孫國封、高惜冰與啓芳分任文、理、工、法學院院長。皇姑屯案後，張學良兼任校長，由副校長劉鳳竹代行校務，啓芳與天放、惜冰調任東北特別區行政長官公署機要秘書。

十九年九月東北軍入關，啓芳任天津市政府社會局長，旋任天津市長。二十年調充行政長官公署地政管理局長。二十三年江蘇省政府主席陳果夫派爲鹽城第四區行政督察專員，後轉任無錫第二區。西安事變後，播遷北平之東大，爲左傾分子所把持，啓芳代理校長，遷校開封，暫借河南大學爲校舍，先與分設西安之工學院同時復課，轉赴四川三台校本部坐鎮。尋奉令改爲國立，並真除校長。而潛伏者多，譁張爲幻，不時扇亂，敢抑安撫，煞費周章，固未得一日寧處也。三十五年夏，復員瀋陽，時共有五學院、二十二學系、一專修科、二研究所及附設廿餘先修班，

規模已相當宏大。但反動者流，必欲推翻校長，從事破壞，無所不用其極。三十六年赴京述職，遂即懇辭，而推薦劉樹勛繼任焉。

三十七年就任財政部顧問，暨教育部教育委員會委員，兼中央大學教授。三十八年來臺，就國立編譯館編譯委員。教育部長杭立武約編反攻雜誌，常發表大文，填膺熱血，正論諷言，為時所重。詩詞慷慨壯烈，憂時憂國，不減稼軒、劍南當日之憤慨。四十六年秋執教東海大學，兼經濟學系主任。課餘之暇，飲酒賦詩，用抒忠憤不平之氣。五十年二月二十八日以血性逝世，年六十有八。葬臺中大度山示範公墓。遺著有藝軒詞草行世。

(本稟直：臧啓芳先生傳；張書文：臧哲先先生小傳。)

劉鳳章 (1859~1935)

劉鳳章，譜名華銓，字鳳章，號文卿，晚更號耘心、岱樵，以字行，湖北黃陂人。生於清咸豐九年己未二月十五日。先世籍江西吉水，祖某出幸黃陂，勤政愛民，著循譽。喜邑西南鄉山川形勝處，卸任即卜宅於斯。厥後子孫蕃衍，聚族而居，逮民國初年，綜計劉氏村莊已七十有二。嗣字大門榜聯曰：「吉水狀元府，黃陂知縣家」，蓋明其宗祧世系也。

鳳章昆季四，居長，弟華鑫、華鐸、華鈞，孝友敦睦，為鄉邑重。幼受業於顯官學者靳春黃雲鶴祥人，即黃侃季剛尊甫，讀誦經史，植立深厚根底。鄉試中式後，湖廣總督張之洞、學政高

凌蔚刮目相看。因先後執教於兩湖經心書院、文普通學堂、方言學堂；又任職湖北學務公所，實行南皮廢科舉與學校之政策；並依「強學會」富國強兵宗旨，著意培養新青年，鼓鑄新國魂。

武昌起義，陳時自日本歸，勸尊甫陳蔡平，創辦中華大學，延鳳章為學長。負教務訓導總責外，講授倫理學一課，儒行碩學，坐擁泉比，莘莘學子，拱若北辰。民國四年起，出長湖北省立第一師範學校，仍兼大學教職。論導學生，崇尚倫常道德。師法王陽明，拔本塞源，祛除人欲，做一個以天地萬物為一體之大人；下方法則在致良知與知行合一。編有倫理學講義，極博洽精粹，學生資為圭臬，並規定以傳習錄及明儒學案為課外必讀書籍。每星期日舉行「文會」，講演國學，批改詩文，皆親自為之。以是出其門者，甄陶化育，立身行己，多卓然有立，迥異恒流也。

鳳章抗希古人，以傳道講學為職志。黎大總統欽其德望，派赴曲阜代表祭祀孔子。比聘為總統府諮議，則懇辭，每月郵匯薪俸亦不受。積存漢口黃陂實業銀行久，經友勸興學，黎公又捐校字，乃於武昌南樓設一小學，名曰「養正」，其耿介如此。袁氏稱帝前，鄂省教界亦有發起勸進者，鳳章堅拒簽名，誓死反對。召集師生開會，慷慨陳說，拂袖辭職，並高呼：「為保衛民國計，雖赴湯蹈火所不辭也！」師生哭泣，聲震屋瓦，送出校門；袁死，始歡迎返校。其護國之嚴獄精神，磅礴氣魄，寧讓新會、邵陽專美耶？

在一師自兼修身課，苦口婆心，啓示涵養省

察之道，修齊治平之理。於升官發財觀念深惡痛絕，時加抨擊。每週講「周易集義」，學生為醜資梓行。為提倡國學，延聘名師魯潤九、劉伯平、黃季剛等講授文字、文章、音韻、書法諸學。勸導學生養成購書、讀書、抄書、寫字、寫日記、寫心得等習慣。考察江浙及日本教育後，歸作「東遊紀略」，盛讚南通教育之規模，滬杭小學之進步，日本治安之美善，學生之禮節，民俗之淳樸，校務因多所改革。為便學生升學計，則特設英文課程，聘李立夫、物格諾(Marble)等為教師。學生多出類拔萃之士，非偶然而致也。

鳳章子敦實、敦愛習醫；女適傅朗西、董伯權。晚年，謝世務，住武漢，為紗業鉅子蘇太餘課子女，兼課孫輩行健、行偉及侄女敦勤等。有族孫行道、士志，多年旅蓉，會長成都高等學堂及中學，為華西名學者。王光祈、曾琦、周太玄、李劫人、魏時珍等皆其門人。著「劉士志詩文集」，倩人乞序。鳳章覽之，躍然起，輒然喜，曰：「吾道不孤矣，劉氏有人也」。為作長篇，檢同新編族譜，由侄婿周謙沖轉劉爾繩歸之。鳳章友于情篤，季弟華鈞劬，祭以文，哭之慟。次年即二十四年某月日，亦溘然逝於黃陂里第，年七十有六。傳曰：「經師易遇，人師難遭」。鳳章學邃行端，恂恂儒者，言教身教，人無間然。漢陽着舊傳中，自是經師人師，坊表弗替矣！

(本劉敦勤：先伯劉耘心公事略；周謙沖：先伯岳劉校長鳳章「一師的回憶」；陳啓天：寄園回憶錄。)

X X X X X X X X

于源浦 (1927)

于源浦，字慕忱，吉林榆樹人。于氏故家舊木，奕世簪纓，昆從濟濟，都負人望，伊通齊氏，耀琳、耀珊兄弟任蘇、浙省長，門庭煥映，鄉人因以于齊並稱。源浦行十二，幼時折節讀書，學識湛越，好古文辭。清末科舉廢，即在故里興辦學校，草萊初闢，茹苦含辛。旋任勸學所所長，壁畫推行，益駿發踔厲，各縣聞風興起，遂樹立東北新教育之宏規焉。

民國二年膺選為吉林省議員，先後任正副議長。素仇直敢言，於孟子「民為貴，社稷次之，君為輕」之旨，拳拳服膺。當吉省學運澎湃之際，學生結隊向議會請願，輒挺立大門前，聽取各代表發言，隨即對大眾講演，痛陳時艱，並引用吉林教育會楹聯「學可匡時，為民為國；士各有志，希聖希賢」二語，願為民喉舌，採納愛國雅言。殿語則勉勵學生苦學，立即復課，慎勿越禮犯分；本席如忝厥職，願辭職謝過云云。慷慨精誠，學生為之感動。

九年創辦私立毓文中學，兼任董事長，歲捐哈洋三千金，並曾一度代理校長。十一年任吉林省教育廳長，得抒夙抱。常巡視各校，集合師生訓話，首云：「士不可不弘毅，任重而道遠。」再云：「讀書人須講氣節」。尋抗聲誦文信國正氣歌，不遺一字。又每述楊繼盛史篇故事：「劾嚴嵩十大罪五奸，疏入，嵩懼之，遂下獄，杖之百，創甚。坐繫三年，竟棄西市，臨刑賦詩，天下傳誦。」源浦講演，向習合目，偶啟目循視，

炯炯有光，或謂之重瞳。每登壇坫，引經據典，義正詞嚴，頑廉儒立。門人藍文徵、李光漢、李錫恩、祝步唐、吳瀚濤、張云貴、吳雲鵬等，於其薪傳悃款，獎掖殷勤，咸云銘深肺腑，沒齒難忘也。

源浦為人剛介，不畏強禦，在東北軍閥淫威

之下，恒持清議，故歷屆軍政當局敬憚有加。致仕以後，杜門謝客，潛心經史。十六年丁卯某月日以疾卒。至今談東匪教育及民意者，猶稱道弗衰云。

(本林冠英：于慕忱傳略；栗直：于慕忱先生傳。)

訂份中外雜誌贈送國內外親友是——
最好的禮物 一次贈禮。月月受惠

全年十二期新台幣三二〇元。二年二四期新台幣六四〇元
如代海外讀者長期訂閱，全年共新台幣肆佰貳拾元，兩年捌佰肆拾元，請將書款存入郵政劃撥儲金一四〇四四號中外雜誌社帳戶
海外讀者直接訂閱 全年十二期美金拾壹元，兩年貳拾元，請寄美金支票或匯票至臺北市新生南路三段七號之一

王道等著 **中外珍聞** 第二冊 隆重出版 定價陸拾元

「中外珍聞」內容包羅萬象，文字精采百出，每篇各成單元，全書富有歷史價值，百讀不厭，第二冊要目：王道：九九日軍投降降記。蔣君章：抗戰勝利與台灣光復。郭岐：南京大屠殺。趙宗鼎：憶戰時陪都重慶。褚問鶉：羅卓英揚威域外。費雲文：戴雨農與鄭介民。喬家才：張敬堯故都伏法等傑作十餘萬言。郵撥一四〇四四號中外雜誌社